

ÁKVÖRDUN SAMEIGINLEGU EES-NEFNDARINNAR
nr. 275/2015

2017/EES/38/43

frá 30. október 2015

um breytingu á XIII. viðauka (Flutningastarfsemi) við EES-samninginn

SAMEIGINLEGA EES-NEFNDIN HEFUR TEKID NEÐANGREINDA ÁKVÖRDUN

með vísan til samningsins um Evrópska efnahagssvæðið, er nefnist „EES-samningurinn“ í því sem hér fer á eftir, einkum ákvæða 98. gr.,

og að teknu tilliti til eftirfarandi:

- 1) Fella ber inn í EES-samninginn reglugerð Evrópuþingsins og ráðsins (ESB) nr. 376/2014 frá 3. apríl 2014 um tilkynningu atvika í almenningsflugi sem og greiningu á og eftirfylgni með þeim, um breytingu á reglugerð Evrópuþingsins og ráðsins (ESB) nr. 996/2010 og um niðurfellingu tilskipunar Evrópuþingsins og ráðsins 2003/42/EB og reglugerðar framkvæmdastjórnarinnar (EB) nr. 1321/2007 og (EB) nr. 1330/2007 ⁽¹⁾.
- 2) XIII. viðauki við EES-samninginn breytist því í samræmi við það.

ÁKVÖRDUNIN ER SVOHLJÓÐANDI:

1. gr.

Ákvæði XIII. viðauka við EES-samninginn breytist sem hér segir:

1. Texti liðar 66d (reglugerð Evrópuþingsins og ráðsins (ESB) nr. 996/2010) hljóði svo:

„**32010 R 0996:** Reglugerð Evrópuþingsins og ráðsins (ESB) nr. 996/2010 frá 20. október 2010 um rannsóknir og forvarnir gegn slysum og flugatvikum í almenningsflugi og um niðurfellingu á tilskipun 94/56/EB (Stjtíð. ESB L 295, 12.11.2010, bls. 35), eins og henni var breytt með:

- **32014 R 0376:** Reglugerð Evrópuþingsins og ráðsins (ESB) nr. 376/2014 frá 3. apríl 2014 (Stjtíð. ESB L 122, 24.4.2014, bls. 18).“

Ákvæði reglugerðarinnar skulu, að því er samning þennan varðar, aðlöguð sem hér segir:

Eftirfarandi undirgrein bætist við í 5. mgr. 18. gr.:

„Liechtenstein og Sviss hafa sameiginlegan landsbundinn gagnagrunn um atvik í almenningsflugi. Viðeigandi gögn frá Liechtenstein verða skráð í miðlægt gagnasafn ásamt gögnum frá Sviss.““

2. Eftirfarandi bætist við á eftir lið 66gb (reglugerð framkvæmdastjórnarinnar (EB) nr. 1330/2007):

„66gc. **32014 R 0376:** Reglugerð Evrópuþingsins og ráðsins (ESB) nr. 376/2014 frá 3. apríl 2014 um tilkynningu atvika í almenningsflugi sem og greiningu á og eftirfylgni með þeim, um breytingu á reglugerð Evrópuþingsins og ráðsins (ESB) nr. 996/2010 og um niðurfellingu tilskipunar Evrópuþingsins og ráðsins 2003/42/EB og reglugerðar framkvæmdastjórnarinnar (EB) nr. 1321/2007 og (EB) nr. 1330/2007 (Stjtíð. ESB L 122, 24.4.2014, bls. 18).

Ákvæði reglugerðarinnar skulu, að því er samning þennan varðar, aðlöguð sem hér segir:

Liechtenstein og Sviss hafa sameiginlegan landsbundinn gagnagrunn um atvik í almenningsflugi. Viðeigandi gögn frá Liechtenstein verða skráð í miðlægt gagnasafn ásamt gögnum frá Sviss. Vegna tvíhliða samstarfs við Sviss varðandi atvik í almenningsflugi í Liechtenstein mun Liechtenstein meðhöndla beiðnir sem berast samkvæmt þessari reglugerð í nánu samstarfi við Sviss.“

⁽¹⁾ Stjtíð. ESB L 122, 24.4.2014, bls. 18.

2. gr.

Íslenskur og norskur texti reglugerðar (ESB) nr. 376/2014, sem verður birtur í *EES-viðbæti við Stjórnartíðindi Evrópusambandsins*, telst fullgiltur.

3. gr.

Ákvörðun þessi öðlast gildi 1. nóvember 2015, að því tilskildu að allar tilkynningar samkvæmt 1. mgr. 103. gr. EES-samningsins hafi borist (*).

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 30. október 2015.

Fyrir hönd sameiginlegu EES-nefndarinnar

Oda Sletnes

formaður.

(*) Stjórnskipuleg skilyrði gefin til kynna.